





國朝詩觀卷三

新昌王錫侯韓伯編次

男霖校字



王槐植

字殿邦江西新城人貢生著有毅堂詩鈔

寄居省會章江門內立身如玉彦方好客如孔北海知名之士皆以祭酒右之

登豫章繩金塔書懷

名都建高塔轟然峙南方離明而吳順相應為休  
祥來同壯士登俯瞰飛鳥翔山川納城郭吟哇羅  
界疆目窮牛斗墟蒼蒼涵豫章迢遙遠峰外郡縣



豈可量。我憑七級巔。下視皆毫芒。遙知凌虛人。視我誠可傷。紛紛往來者。逐逐成奔忙。焉識浮圖中。有我雙目光。我言彼莫問。彼呼我若忘。高卑殊視聽。勢隔情未將。一塢且如此。何況浮雲旁。  
與杜甫登慈恩寺塔同一奇。想天開感慨欲絕。

### 風月亭

屬新城縣志載南郊赤岸園即宋理學李泰伯先生之故里也官至太學說書致仕歸田家猶清貧有詩云朝朝風掃地。夜夜月明燈。後邑人旌其廉為之亭曰風月。迄今近亭里許有桃花千百株。歲春開花猶茂相傳曾南豐曾受業焉。

築亭表貞介。風月留清虛。說書歸去來。僅餘一束書。當其汲古日。高名馳俊譽。從學數百人。願為聖

人徒。孔孟學同源。道一用各殊。戰國世益降。尊王母乃迂。苦心可易地。魯叟本鄒儒。刺孟非孟篇。古人見終疎。如何海門簿。誅毀同淳于。文正能薦士。維覲軻雄如。六論失其一。竟為孟子疏。乃知學者目。未可限方隅。退居輯類稿。藉手見古初。辨香傳南豐。致用良有諸。亭外桃花開。風足起頑夫。絕倒江陵官。但種干木奴。  
平允可作泰伯先生論史斷

### 遊麻姑山

麻姑未成仙。此山竟何名。偶然駐靈駕。草木皆芳馨。巖壑具幽妙。挂練成光明。仙壇餘舊跡。羽客不



再經蔡君盼長爪。茲念罪頗輕。奈何方平鞭。附之  
如影形。世多妄想者。尺莖難遍榜。乃知神人手。戲  
擲丹砂精。滄桑互變易。人乃求長生。魯公立大節。  
文字頗縱橫。書碑透石背。苔蘚不敢爭。神仙與忠  
義。各有身後名。我來飲美酒。聊以效酩酊。  
王菊 莊云

本題之所應有  
而實無人道及

一線天 屬南城從姑山

何年巨靈斧。劈此兩崖對。平分一拳石。秀出雙螺  
黛。不幸依麻姑。侍從成小妹。修篁標古直。一一列  
旗隊。石磴入深隍。仰矚蒼旻隘。開豁天一線。不知

覆者大雲來。偶留宿。鳥過愁墮內。蟾蜍坐枯井。何  
以開眼界。日午光一鐮。天晴氣常晦。拾級登絕巔。  
出坎有餘快。真宰無廣狹。易地殊曠曠。蒼蒼非正  
色。此語良細碎。蠡測與管窺。曹然等盆戴。  
予曾 至其

地奇闊  
逼肖

北蘭寺

勝地偶住能詩僧。宰官好事興屢乘。遂令詩人慕  
往昔。至今指點詞壇燈。把茅縛屋雙趺藉。一蒲團  
地堪休暇。老僧能詩厭寐滅。乃向中丞乞臺榭。寺  
外圍圍多古墳。鋏鋤亂下驚秋魂。日向西山移白



骨築亭鑿沿栽芳蔭商邱去後人事改中丞宋漫堂先生商

邱江上誰人慕風采老僧性傲無長官羅織于刑

冤莫解生居北蘭死南浦經臺詩屋風流在我聞

浮屠果報之說皆有因西山衆鬼應怒嗔學佛安

能了彼孽多才竟至亡其身何如語言文字都不

立枯坐團瓢面泥銜出世名心不肯忘吟咏之工

有何益歲滯令人說古人綿津淡雪聞不聞荒荒

竹石寒烟裏時有風人吊兩君淡雪和尚果移坡以作亭沿南

浦之死非不幸也讀此詩者足以為戒

久客

久客非予志淹留尚不歸猿啼驚夜枕鵲淚賤春

衣路遠關山隔愁分酒力微倚閣增悵望子職愧

多遠鍾鍊似杜

立夏日同友人郊遊

日長聊釋卷招友出郊原蛙鼓池中市鶯笛樹裡

村惜花春已去愛客鳥能言曲徑沿溪入漁家傍

水門幽景閑情歷歷如畫

夜泊吉州懷同社諸子

盤桓不厭久此夕感離居江水迴風急鐘鼓入枕

虛鳥啼殘夢曉月上短篷孤知己天涯遠羈懷何



雲書。

三四酷似王孟

已亥除夕

斗酒醉殘夜。清歌藉短箋。歲除。鶻爆竹。雨細雜冰絃。作客猶今日。回頭是去年。幾多愁不寐。強半利名牽。

丙午仲秋表兄饒續庭話舊

細數離思一惘然。共將肝膽照燈前。故鄉書史存金鑑。客邸風光散綺筵。聽盡不眠秋夜雨。坐殘還撥石壚烟。明朝更覺難為別。疎柳蕭蕭不繫船。

情真故語

庚子春次朱天象登望湖亭晚眺韻

望湖亭外水連天。極目蒼茫興洒然。不盡流霞成碎綺。長空淡月隱寒烟。數聲漁唱誰能和。十載萍踪未受憐。雨過半江紅浪暖。遙山一片倦雲眠。

風流超邁

送揚懷南少尹之京

贈君無寶劍。只有送行詩。春風吹細雨。惆悵過長陽。末二句汲厚

清夜彈琴

月上虛齋意悄然。閑情隨指入絃絃。夜深花睡無



人處一片清音。下遠川。  
清新俊逸

賦得春鶯藏嫩柳

鳥記柔枝嬌欲語。夢回脉脉。却如雨。莫教啼向灞橋頭。惹動離情知幾許。  
神味盎然

晚泊寡婦橋

七日舟行總寂寥。軟風吹竹夜蕭蕭。而今惟有長湖水。不見當年寡婦橋。

寥拓江楓集暮鴉。淡烟淡霧有人家。數聲長笛吹秋月。白盡江南幾處花。  
盛唐手筆

晚眺

擺却愁腸半日間。溪橋覽勝夕陽間。蒼茫滿目飛來翠。盡在前村幾個山。  
畫圖不到

聞鴈和杜景韓韻

嘹唳飛鴻天外鳴。客情無那百憂生。秋風不管人愁緒。遍入江城夢裡聲。  
可敵悲秋賦

春宮怨

芳草如烟似去年。深宮寥寂倍凄然。非關鸞鏡塵難掃。只為長門賦未傳。  
溫柔敦厚

閨情

小園春半牡丹開。約略梳頭去看來。笑摘猩紅花



一朶芹。卽袖得。暗香回。

綽約可愛

偕同人登清暉酒樓和壁間晚眺韵

日落推窓見遠山。半江浪息暮鷗還。西風不肯吹愁去。併作秋聲來樹間。

唐音

嚴子陵釣臺

桐江與我素心盟。托迹烟波夢亦清。千載客星無貴氣。釣臺風月有誰爭。

逸閑

題劉子豪文學書屋

晉唐翰墨自開顏。底事當前一筆刪。客至呼童頻煮茗。小園種竹亦溪山。

末句新雅

王之政

字開仕。瑞昌縣。著有清溪草。介洲藁。柳林集。

石鐘山

山前長嘯自然聲。倒映江潭一味清。但看微風輕鼓浪。元音還欲起長鯨。

妙可見志

老女歎

幾回意外看新月。新月圓時心訥訥。何事姮娥偏靜居。輕把圓時忽教缺。月缺復圓自年年。人世韶華不復旋。桂子飄香宜月皎。梅花映水趁春妍。春來春去花多少。妬花風雨連天擾。好花謾自開嬌姿。幽心偏把遊蜂惱。遊蜂隊隊過牆東。窓前無語



付東風東皇不管人憔悴月轉輪時雲滿空

婉轉  
關生

王世章

字九英號訥夫之政季子與武寧余眷  
庵盛木實兄弟友善詩文鳴于時

存吾園十韵

萬族共枯苑營營竟何施君集存吾園君懷更不  
疑人生靡淄潔適意安其癡知者脩要道下士或  
笑之石馬交茆屋千載秋風欺叢林有瘦樹空聞  
故物悲看君堂下竹脩脩自成籬停雲于南山悠  
然無與期半艤吾所泛松濤吾所吹天地化為海  
駕言已在茲

園雪

朔風淒且厲霰雪與俱飛蒙蒙斷山色浙浙泊簾  
幃天地轉光潔生意終不盡剝落上苑松支條故  
披離我願為青鳥因之託高樓惟有風濤寒不受  
爐火欺但恨事勢誤眷鳥此心期

新種芭蕉得雨

移來十尺蕉艸草種南陌陵陵陌上土新躁非其  
宅亮不保根枝安論養魂魄園老候天時惆悵晚  
風迫洗鋤還入戶延停了無策有雨東南來荒涼  
洗顏色物情良易足坐見搖新碧幸托松竹林結



根在茲。

自存吾園登舟夜次巾口別盛二十三樂并

呈余二十九蛟

孤舟出巾口。大河耿耿明。蕭蕭蘆荻風。送子東南行。有酒不能飲。何以慰離情。高天斂清氣。坐對想平生。達者愆世故。結髮事弟兄。江頭候風色。波瀾忽縱橫。繁華誰家子。走馬絡長纓。四海延泛愛。醉血鑄溪盟。謂當保晨夕。中道聞嘆聲。頽流日浩蕩。千載汨其名。與子結好來。大義靡虧盈。慨然望前古。獨立披榛荆。而我為情累。兒女悲中庭。垂老當

此別中懷紛不平。羨子雙飛去。去去豫章城。豫章好秋色。文章應壯盛。盤亦與悲激。索索難為聽。嗟我勉古所。古道如埃塵。賓竹有舊約。孟冬倘能信。還當共君章。掃雪注丹經。

九日山中

山中氣候溼。秋菊已堪摘。我欲登東臯。一望陶潛宅。白雲栗里溪。窮途未可測。古人愛體素。不受榮名役。雖復重一飯。事往無留迹。予愧柴桑人。悠悠常作客。

送盛樂之洪州



驅車出東門。出門竟何之。我有大宛種。欲市無龍媒。聞君築高臺。過君一鳴悲。自古權奇骨。其中頗難知。不求升斗粟。不絡黃金羈。但願遊八極。一識華清池。清池洗毛羽。歸卧南山陲。

種蕉存吾園。得雨復賦一首示諸子

種蕉過十本。參差倚松竹。兩本當窓虛。一本交窓綠。其餘南陵上。離離雜野菊。種罷各忘疲。入戶理商曲。天氣忽迴合。急絃雷雨逐。洗我肝胆涼。洒然就新沐。况爾力衰微。魯不任。炎毒我亦念。懇私汝詎忘。尸祝願言各自保。生意暗相續。

涂錫盛

字際昌號勉齋奉新人現任温州司馬

舟阻

舟行五日三番止。况復僻在江之汜。吼吼金風撼地來。層層白浪翻沙起。兩岸芳洲無了時。數間茅屋非城市。獨有長蘆慰所思。低徊婉轉如相語。

結語愈慰藉愈凄涼

寒夜

連日秋陰結。羈棲暮轉寒。孤眠愁夜永。冷逼覺衣單。樓角霜鐘瘦。庭階玉露團。杖頭寧惜醉。自酌不



成歡

諸盡  
羈愁

遊巖頭寺

地僻疑無路。林深別有天。白雲橫象外。紅葉亂階前。曲巷清風細。禪房野草芊。老僧香茗罷。寂寂響

流泉

絕似  
王孟

登望湖亭

湖亭俯瞰豫章流。一望風煙處處收。大地幾多都入浪。遠天無際不飛舟。雲歸廬洞書堂古。蓮冷虎溪白社秋。遺跡至今紛仰止。高山長水峙南州。

宏放中真  
景逼肖

夜渡衢州

衢城未到已天昏。十里舟行欲斷魂。萬點寒芒垂斗漢。一江淨練洗乾坤。砧聲還擣溪前月。漁火遙明樹外村。靜念孤身誰是伴。汀鷗驚起白蘋根。

三四  
雄潤

登黃鶴樓

可堪臘日再淹舟。客緒難禁獨上樓。仙鶴何年歸碧落。寒鴉空自集沙洲。楚雲有意遮鄉眼。漢水無情向故流。崔顥題詩三讀罷。烟波一樣到今愁。

蘇堤春曉



長堤十里壓平湖。柳線桃天種得殊。一夕東風吹盡臘。綠紅盡出水中圖。秀賦

秋夜聞鐘

秋蟾如許漾平空。四壁寒風咽夜蟲。環顧無人身似水。萬山忽擊一聲鐘。清景可想

饒河行

饒河一帶水如天。夾岸湖花白。白連滿眼。芳洲青不。斷。只看飛雁絕。人烟。真景

拜宋太守均祠在九江府

渡虎消蝗德政崇。過樓誰不仰清風。閣名如今雲樹

蕭蕭冷不及霞光照。寺紅。時大修能仁閣言外多感

涂建芬字尚谷錫盛男

九秋有感

蕭瑟迎商氣。泥泥露結霜。葉從千樹落。菊是九秋香。砧急寒應近。鴻悲客自傷。關情千里外。老父怯

衣涼。前半景後半清却含至性

孟澤厚

字滙東順天大興人辛酉舉人

送友人歸里

三月清明節。時暉景色暄。暮雲紅十里。春草碧千



村野店風霜勁。荒郊雨露繁。孤燈深夜際。形影自  
温存。三四  
偉廉

劉宏鑰

字魚門奉新人太學生

刻有曲水園詩草

午睡

一枕軟長夏。遠處得自如。薰風寒帳幔。斜日逗  
籐。性懶頻踈。友情深為愛。書自憐身。是幻無夢到

華香

閑適

秋暮寫懷

流光又別九秋殘。除却閑吟祇素餐。佳色滿前

徑菊幽香半榻。四時蘭古琴有調。薄難操。薄酒多

情每易歡。兩鬢星星催歲序。空勞桃上幾邯鄲。

得時行物  
生之趣

春日偕友山行

年來幾度愛山行。觸處春光動遠情。紅點溪流桃  
浪急。綠搖隄畔柳絲輕。登臨始覺身偏健。嘯咏還  
愁句不驚。尋到杏花深處坐。青錢拚醉話平生。

山中晚步和

峯脚落日步山城。無限幽清爽客情。怪石獨憑松  
下。立竒花靜向澗邊生。漸看嵐影和雲捲。忽觀霞



光映水明。何處鐘聲烟外破。投林宿鳥噪歸程。

三四奇景  
亦真景

九日雨後同友郊遊

風風雨雨屬重陽。霽後榮招踏晚芳。濁潦含沙穿  
野圳。香粳帶濕刈秋場。滿林紅葉空人掃。三徑黃  
花為我忙。隔水輕帘招客醉。也將薄酒泛萸囊。

雅調  
悠揚

和重姪經世臥雨元韵

一枕高秋雨。孤懷自此生。人情憐菊瘦。寒露逼詩  
清。荏苒催時序。蕭疎雜漏更。十年風雨夜。那得向

君評。

三四  
淡永

次和挺成姪山中度夏

鳥道稀人跡。鋤經入亂山。野花情落落。村月夜  
閒閒。宿霧常留榻。薰風自掩關。輕衫涼白苧。尤近水  
之灣。

讀此亦  
可消暑

同何懋亭陳箇竹過某居山并贈

此地曾經到。翻疑是鹿門。棘籬沿細經。平楚接高  
邨。剝啄多年靜。圖書一架存。浮名知本避。風景飽  
幽論。

五十初度



生來詭識任般痴。五十年登事可追。吟老不禁身。  
漸瘦。款奇非是功能矣。服官久覺昔梁。幻知命難。  
洗白髮重。聊構小窻。供小坐。猶留一枕伴希夷。

登天馬峰遙望金湖有作

無聊登絕頂。眼底接空明。湖水含天淨。汀洲對岸  
平。遠橋人獨立。幽樹鳥同聲。小息緣觀化。春光別  
有情。

酬王大伾瞻過曲水園原韻

矮築堪容膝。惟存一架書。蓬門常不閉。階草未嘗  
除。水靜魚吹浪。園閒鳥啄蔬。揮毫酬此地。浣讀勝

黃初

幽閑自得

簡陳箇竹

廿載情親共釣竿。別來微覺減清歡。簷流不斷三  
春雨。鶯轉無分二月寒。獨坐冷齋容我拙。細編殘  
稿待君看。如移曲水山陰棹。莫憚關河行路難。

偕友金湖洲散步

佇立荒汀上。清流一帶湖。蕪葭霜裏老。蘭芷望中  
無。灘急凌鷗小。天空引雁孤。留連將日夕。欲賦又  
踟躕。

雨後過南山村家



殘雨初收日未斜。好凭藜杖過村家。溪邊下見清  
新漲。陌上猶憐踐落花。遙憶到門應有主。恐相携  
手嘆無車。南山只在風帘外。大半幽居翠竹遮。

春晴晝睡

倦懷難自遣。午睡每逢春。老並馮唐易。情追叔夜  
真。花香輕好夢。風軟靜遊塵。鄰里休過問。窮愁屬  
此身。

秋夜同陳簡竹重姪鶴亭分韻

愛此清夜爽。徘徊與月同。螢光酣古砌。雁語落長  
空。掃石連三友。論交嘆五窮。更汲寒玉露。猶念一

江楓

三四  
雜常

小園春日

小園春事到。行止覺逍遙。柳暗鶯聲滑。花明蝶夢  
饒。稠苔生積潤。殘雨滴新焦。日暖薰如醉。時應擲

酒瓢

如初日芙蓉  
倚風欲笑

四月二日同人集華峰齋

萍聚今朝半白頭。莫嗔春盡反成愁。靜憐芳草迷  
飛蝶。細看楊花度畫樓。水接檻前鷗自泛。山招簾  
外翠平收。閒心對此滋清論。徙倚還教憶汗牛。

幽居初夏和南州周紱思韵



了無俗累擾襟期。閒躡苔階頗自宜。盡閣好風來  
靜榻。環坡新水下。平池詩書到眼殊堪讀。歲序推  
人又可悲。半世生涯。歸淡泊。嬾看榴火似胭脂。

燈下對酒作

滿斟杯酒暫祛寒。未可燈前博得歡。萬事鬪珊都  
是恨。一生齟齬。淩何干。頭顱久悔勞心白。貧賤應  
知對友酸。却喜夜良殊不寐。夢魂暫輟赴邯鄲。

劉宏度

字中立一字皞都奉新人著有沁梅軒詩集

奉次季父梭山湖上別業雨中韻

諸山淹積雨。漲水漾層紋。洲墜散聲鳥。天低樹樹

雲。漁艇迷失岫。芻牧悵離羣。獨有春風座。珠璣溪

妙文

季秋過騰霄寺

愛此南山寺。平疇帶小川。菜肥寒露雨。豆實菊花  
天。暗徑蛩聲切。清空雁字妍。老僧純道氣。精話不  
粘禪。

冬日微雨同曹百學李念功遊頰南庄

寒入圍爐坐。更汲話愈幽。酒香松子火。茶沸石根  
流。風緊知霜下。檐空快雨收。詰朝言別穩。日煖任

遨遊

三四清約



慶雲菴落成

晴日雲常掃。雨時霧乃圍。鳥聲喧樹杪。漁唱亂溪灣。擊磬緇經靜。烹茗洗鉢閒。夜深明月上。塔砌影班班。

癸巳秋仲同李甥伯顧念功訪嶺南山人

即離葑苳屋。編竹映疎曛。甌綠陳新惠。樽香煮澗芹。不談漢魏事。惟解尚書文。灼灼金針度。山中有與墳。

豈獨經明異緒餘。論更精。予年。嗟老邁。爾輩足師承。風靜雲微淡。天清氣益明。依依難話別。夕照掛

疎楹

雨後晴郊小步

晴郊四野迥。節序已三春。水暖蜻蜓媚。泥香紫燕親。桃成丸的的。艸繡錦勻勻。細望雲峰內。山田坂

坂新

三四  
工妙

寒夜舟中

一舟情思薄。旅魄寔傍惶。霜冷雁聲濶。風高鐘漏長。泓潭沈夜色。急瀨瀉星光。欲寐不成寐。何由夢故鄉。

次潛雪林遊曇慧寺韻



勝概茲山特。咏歌發性靈。澗迴三徑曲。人在數峰青。  
仙梵隨雲佈。殘鐘入夢惺。焚膏曾佐讀。千古頌名經。  
蔡景宰帥總憲自讀書此寺

冬夜山坐

冬夜山齋寐。尤凝夜氣香。一燈書萬卷。半榻竹千行。  
寒月遲殘漏。嚴風務早霜。孤鴻散切切。師友念

傍徨。

五六苦心孤詣

春郊晚眺

斜陽侵樹挂。霞彩爛班斲。柳絮萍千點。梨花屋幾間。  
好風時拂拂。皓月意閒閒。尚有漁樵伴。相招草

徑還。

春仲過湖口洞

兩岬風翻桃亂開。一溪怪石縱橫堆。花飛即逐東流去。  
那怕漁翁問訊來。  
及紫得妙

和太史帥二蘭舉過雙橋別墅

樓映湖光蕩。矮垣箇中人。到息塵喧波。滌別漱。鷗睡雲簇。  
溪山隱雪痕。圖畫經營飛四壁。嘯歌咳唾落天門。連床風雨。  
聆清論。縷縷淵源古道存。

春日郊遊

閱餘池畔數萍星。白鷺橫過樹杪青。忽到好風披



拂拂車衣一踏惹花馨。

旅次早歸

楚店鷄爭唱。做裝起早歸。啟明猶在望。烏鳥始知  
飛水氣凝虛岬。山光報遠扉。勞勞還自笑。誰為解  
征衣。

閨詞

閒煙寂鎖一園春。柳自青青。桃自颯。漫惹東風侵  
繡帶。牽連蛺蝶戲愁人。

風致  
翩翩

春郊小步

搖蕩芸堂遍野田。垂楊漫霧上孤烟。一教鐘到僧

厨午餘粒應知結鳥緣。

劉宏挺

字為霖。奉新縣諸  
生。著有芸軒集。

石溪瀑布

曉岷懸匹練。蜃氣望中浮。碧澗從天落。銀河入地  
流。晴飛千嶂雨。風散滿林秋。遙憶乘槎客。驚同泛

斗牛。

五六  
壯澗

晚眺

暮雲梳碧漢。纖月上梅峰。天吠隣家火。人歸遠寺  
鐘。尋詩迷小徑。怯冷避涼風。四顧塵空寂。寒灘響



野春

逼肖 晚景

東湖懷古

蒼茫乘興溯東湖。川泳雲飛韻自殊。藩圃尚澆高士菜。朱門誰奠布衣芻。一聲漁唱前朝盛。萬井烟寒寶刹孤。疎柳斜陽饒畫意。杏花新樹喚提壺。

雅切 流麗

暮秋郊行

竹屋柴扉度歲華。傍山依水幾人家。門深落葉秋將老。霞染楓林樹樹花。

雅 艷

陳

銓

字以三 著首車前集

字以衡善書有草草軒詩草

同劉寧拙孝廉周白亭太史徐半千明經家對溪明府遊南山崖

一櫂凌修水。層崖結勝遊。路隨龍洞曲。座瞰蜃潭幽。淨地風常掃。閒雲竹慣留。塔前楓落滿。應遣客吟秋。

古味 盎然

舟泊湖口

繫艇鄱湖口。澆愁問酒家。有風偏滯夢。無月更堪嗟。夜色看漁火。詩情寄水涯。石鐘聲自在。鐘塔老年華。

守風况 味如此



王學紳

字桂成世章子廩生著有綠湄詩草

遊白樂天香鑪峰草堂

捫蘿高輒香鑪峰。香山草堂在其中。蜿蜒雲煙飄  
無際。蒼苔踏破舊痕空。五老峰頭星歷歷。九老圖  
中意寂寥。千年明燈風雨細。古貌古心。江河擊彈  
琴一曲。邛深篁琵琶行韻。幾鏘鏘。送客湓浦星月  
換。留住匡山石。回羊。雁陣空排香鑪側。鑪光炯炯  
漫天碧。舉杯飲月。江水寒林外。秋蟬寄陽夕。

婉轉雄秀  
足稱以題

南陽山中

山中何所有。朝雲而夕月。月出白猿啼。雲騰丹鶴  
發。何人雲。月裏南陽採芝蕨。

琵琶亭古

梧桐葉落鼓秋風。絃柱高彈做亭中。琵琶老婦今  
何在。尚留古韻寄芳踪。當日楓荻殘夜月。江月茫  
茫思訥訥。淚濕司馬為誰乾。湓浦沿舟酒杯卒。凭  
岍俯瞰江水寒。悲蟬拂樹動欄干。訴出無限嘈切  
語。五老峰前碧烟團。苔痕踏破荒徑闢。明星湛湛  
宵。露碧亭是人。非曲猶存檻外屏。岷漁鉅夕。



浚情  
雅韻

皆園述感

人生何如者。辟則花開時。當其同根日。共此雨露滋。隨風為宛轉。榮辱各自持。或飄彼瓶几。或隊彼溷廁。遂令愛憎見。取舍混所施。礪石憑海立。挺然與天知。  
鼻傲

揚江鑄古鏡。百鍊而鏡成。銅青磨絲翳。石白刮寸塵。一為塵翳蔽。妍醜莫能分。拭去兩蔽者。依然照此形。猿鵠化君子。蟲沙變小人。人有改形日。鏡惟一赤心。

孤燈自述

秋殺滿四壁。五夜清光餘。寒蟬鳴高樹。促織動野居。銀河雁陣遠。碧露鶴林紆。冰壺注冷月。月冷為愁予。

烟水亭述古

款乃城南外。鳧高漱澗天。魚飛徑上樹。鶴問湖中仙。笑看虎溪月。歌聞盆浦絃。銀花浮鏡面。霞落暮亭前。

讀山海經

天地無窮際。物生自有形。九鼎圖何在。尚存山海。



經。

几上盤橙三枚着有微枝片葉宿長不謝且  
芳鮮可人因作古風以誌異

商山芝固然商邱木何夢以不被指亡是故身長  
在夏雪不為瑞冬雷不足記萬物有何常反常則  
為異松柏非不青根絕無神氣蕙蘭非不香莖寒  
無臭味嘉予盤中果臭味養神氣晝夜益芳鮮松  
栢參蘭蕙亦匪冬雷記亦匪夏雪瑞此中造化汲  
難與陳人議莫作塞翁馬還看景星世  
先生家世風雅

宜其淵源有自也

### 劉甲華

字次實號櫟園奉新縣諸生與帥簡齋我陳  
果亭言言先生遊皆相引重著有櫟園焚餘  
草一卷

越絕

蘿苧佳人未嫁初浣紗終日影躊躇無端錯認溪  
頭客一到吳宮總不如  
意在言外

### 曼家埠

窈窕斜曛處高低各是家絲罽垂細柳寺鼓雜鳴  
蛙久臥冠隨歌初行路慣差層翻白浪下檣末集

飛鴉  
真朴

苧蘿村地名也恐  
不可顛用



王士倬

字漢章新淦人雍正  
已酉舉人臨川教諭

秋日南旋次楊漕院過德州半村居原韵

尋幽此地有那居。結伴重遊半日餘。面水南來多  
過楫。背城北去盡征車。翠嶺荷蓋花先謝。綠擁蘿  
陰草不如。滿目秋光吟未了。煙雲染遍赫蹄書。

自然  
絕俗

秋暮次荅帥孝廉葯房

蝶夢鄉關寄遠鴻。數千客路寸緘空。愁心滴碎三  
更雨。秋色頻催九日風。籬下揮毫香艷滿。案前編

集古今窮。珠簾盡捲垂垂望。飛閣丹流照眼紅。

除夕同農部楊養齋分韻

鳳城三載寄閒身。坐對松盆醉飲頻。寒入水心還  
似我。清于梅影迥殊人。呼來如願情猶舊。送去殘  
冬歲又新。剝復循環同晝夜。爭看雪裡早回春。丁丑

臘底  
立春

送黎孝廉克就館遼西

一段新詩寫舊情。遼西古道送君行。烟村香動花  
初破。茅店寒輕雨未成。酒錢都門忙策馬。春尋孤  
竹早聞鶯。天涯聚散今如此。唱到驪歌百感生。



三四  
如畫

劉應坦

字杜若奉新人  
著有吟餘草

秋夜客中

黯淡銀河鎖暮雲。羈魂隨雨散荒村。寒催刀尺裁  
荷葉。秋入芭籬老菊園。古瑟乍操驚別鶴。孤樽懶  
酌賦長門。西風細逐霜砧急。暗為離人積淚痕。  
雅渾

旅次八月十六夜望月

捲盡天衣掛玉盤。清光依舊徹魂寒。當頭細向姮  
娥問。昨夜何人帶淚看。  
結語  
味深

劉應青

字元白奉新人  
著有雅軒詩草

寄呈帥簡齋先生

欲撥剡溪棹。殷勤載酒尊。漫看雲出岫。空負雪盈  
門。高隱慚貞白。新詩愧後村。城南風物好。遙望幾  
消魂。  
不露斧  
鑿痕

漫興

深深柳巷紅塵少。曲曲蘭階化雨多。壁上有詩金  
擲地。窓前惟草綠盈窩。

劉拔中



國朝詩觀 卷三 十一  
字挺成奉新縣諸  
生有踞峯樓詩草

泊吳鎮

停颿支石壩。斜日照荒墟。江淨風來晚。秋清葉下  
初。斷雲犇。蠶水殘。雨掛匡廬。忽聽高樓笛。閉山意  
自攄。五六 奇崛

越山拜春虛公墓 唐詩人

高峰不可極。先塚自穹窿。碑碣叢芳草。松楸控晚  
風。鳥啼山郭靜。人拜墓門空。虎跡重回首。雲旗閃  
夕紅。虎跡雲旗 俱山中景

偕友至晏嶂白雲寺 西晉先真君道成公修 煉處

僊佛靈修地。躋攀杖履齊。崖懸片石古。樓瞰萬峰  
低。半榻花初發。三春鳥未歸。昔年曾借宿。夢與白

雲棲 三四 雄渾

杪秋過洞山留雲堂

大地何虛敞。兜羅別有天。松蟠孤塔頂。閣踞一峰  
巔。山鳥閑依樹。秋花淡入禪。數聲殘磬起。撞破俗  
塵緣。淡 遠

晚眺憶陳以衡李公懋客漢陽

憑欄窺野翠。暮色靄然增。落日啣孤嶂。白雲歸老  
僧。鶴巢松杪月。人語渡頭燈。漢水縈遙思。高樓定

兩截語

前三韻與結句頗似



幾登。

情景可會

豫章九日

客邸逢重九。西風入幕清。茱萸今日酒。籬菊故園情。室靜蛩偏語。天空鴈獨征。龍沙多逸興。秋色醉江城。

尺五樓

在晏嶂山家梭山先生讀書處

杳杳山上雲。泠泠山水下。俯仰水雲間。幽清祛俗慮。伊昔尋幽士。眷此山中美。棲遲尺五樓。讀書以自娛。著作盛當年。墨漬硬黃紙。至今樓頭月。猶照讀書几。我來春已盡。好風自南起。烟綉結青林。山

根傾石髓。踟躕倚苔磴。慷慨霞軒舉。

典會淋漓

寄熊鵬伍龔質章翹雲

天涯芳草劇相勞。舊事關心首幾搔。三月鶯花遲斷岫。半山烟雨老蓬蒿。含情久欲乘溪棹。灑恨何妨讀楚騷。聲價自來吾道重。扶輪大雅壯英豪。

悲涼壯濶

漫興寄曾東臯師無與蘭堂諸友

曲枕茅廬傍水隈。個人惆悵日徘徊。鳥如有意窺階語。花亦知情向午開。風捲斷霞衝岸落。雲扶細雨渡江來。與蘭香處書倉潤。目送清光照畫臺。



清爽  
出塵

張永貴

字靜遠號樂齋奉天廣寧人乾隆戊午舉人官淮南掣監司馬著有公餘小草

秋蟲

寂寞荒烟合。淒其一片聲。草頭含露冷。墻脚曳風清。斷續閒窓夢。蕭疎滿院情。感時深自怨。非關不平嗎。  
温柔敦厚

和金山作

是能得唐人遺意  
便覺舉動不凡

金鰲何處駕山來。雄據東南亦壯哉。峰頂無雲遮日月。江心有地起樓臺。鶴盤塔影中流渡。帆曳鐘

磬兩岫聞遙望大羅天上坐。知君詩骨本仙才。

劉秉鈇字有度奉新人太學生著有蘭軒詩草

開元六日全友過普安寺

尋幽結伴步逶迤。深入禪關不自知。松戶半開清磬寂。竹梢斜掛濕雲垂。香風款款侵蓮座。春色依依上柳枝。好景娛人應共賞。莫愁無酒渡攢眉。

過魯濱弟書齋看菊

風光不減舊柴桑。遊客尋芳逸興狂。啟戶流霞披玉質。捲簾明月襯霓裳。已知晚節稱霜傑。更喜長生入藥方。須擲杖錢沽斗酒。免教相對笑空囊。



初冬飲來家壘

小陽春暖日光輝。好友邀尋便啟幃。樹繞寒煙迷  
眼望。風翻紅葉作花飛。山邨熟果當筵剥。甕裡香  
醪盡醉歸。晚色娛人尤可戀。不妨霜露疊沾衣。

九日登高

西風瑟瑟候重陽。正好登高寄眼光。極目長空秋  
色老。烏翻黃葉下垣墻。

下辭登眺十分勞。老子風流與自豪。絕巘漫來車  
馬客。天光雲影遠塵囂。

載酒高顛莫限盃。相期盡醉襟懷開。不衫不履無

殊不成句

冠。落呼馬呼牛亦應哉。

脫洒

仲秋晚眺

涼風生晚趣。林亂鳥知歸。蒲柳含殘蔕。雲霞襯落  
暉。橘黃禾半熟。露白暑全遺。丹桂飄香遠。盈盈欲  
襲衣。

初夏南郊小步

解籜新篁十里青。芊芊岍草細生馨。荒池蛙唱渾  
如鼓。貼水萍浮散若星。浴鳥梳翎投石澗。牧童吹  
笛過沙汀。坐看稼穡村村急。不斷農歌抱膝聽。

贈涂震南善醫



國草言卷  
天地雖好。生氣數有。反側中。無補救人。天地欠全。德此道非。小道君獨。有心得一。經調燮。手陰陽。歸其宅。  
一 渾淪 氣

晡後陪王濱洲孝廉南郊散步用元韵

晚步南郊。暑漸微。沿途芳艸。各爭肥。守勻苗黍。抽新綠。隱隱層巒。掛落暉。一部蛙鼓。當暮急。千山鳥翠向巢飛。班荆跌坐。玉為几。山名好待銀蟾送客歸。

陪王大岱瞻過龍沙訪諸上人

散策烁光裏。欣欣挾勝儔。尋幽過古剎。看竹上危樑。菊老思元亮。詩狂憶貫休。茶香貪坐久。夕照下

平疇

秋水

一泓秋水耐相尋。掩映銀河倒。罍平參萬戶。寒砧敲不盡。聲殺觸動旅人心。

春宵

春宵無限意。對酒迴添豪。嫩草酣新露。柔風入嫩袍。雲含鐘韻度。山接籟聲高。更喜邀明月。清光上

紫毫

新雅

夏夜全陳以三叔魚門分韻

日夕炎威退。脩然筭簟涼。水搖雲影亂。風度芰荷



香靜露。衣衫濕。流螢草際光。不嫌人寂寞。星月煥

天章。夜色如繪

彭桂祚

字芳遠奉新人有澹園詩草

池上小立

偶來依柳畔。皓月浴清池。水靜魚翻藻。風生鳥過

枝。渾疑身在畫。殊覺意多詩。小立神偏爽。悠然動

遠思。風采奕奕

秋日同介庵楊明府遊永濟寺

石橋斜渡到禪堂。一帶山光接水光。地僻偏宜黃

菊瘦。僧閒轉覺白雲忙。經翻貝葉然香柏。磬出疎

林送夕陽。倦翼歸來天欲暮。砧聲隔岸搗滄浪。

幽閒自在

秋夜懷姪雲階

天空雲淨鴈南譁。幾度思君念轉奢。三徑晚風颭

臥榻。一川白露老蒹葭。迢迢有夢凭誰訴。寥落無

詩祇自嗟。坐看家山明月好。多情夜夜照窓紗。

情景交至

劉秉潤

字東里奉新人



過龍沙訪友

青山一片雲。搖曳無定影。我來躡輕風。念子懷清  
淨。漫舉席上。碁耗此山中。景相期在明德。晨鐘發  
深省。箴語自  
饒風韻

秋夜

夜靜何蕭瑟。銅龍漏已沉。未堪臨皓魄。奚忍對重  
衾。入世無長策。孤燈有遠心。石床塵不染。試理紫

瑤琴。

五六合  
蓄無限

劉宣濟

字經世奉新人  
有棲村詩草

遊仙人巖同宜豐張某

山骨何龍從。化工妙其迹。靈岩豁千古。窳窳烟雲  
碧。萬象赴蒼茫。孤懷恣幽僻。快哉張公子。抗言譚  
在昔。神仙事有無。越今丹井赤。且酌井中泉。且坐  
岩前石。低徊落清響。隱隱飛鳧鳥。古氣  
蓬勃

田家雜詩 存一

日入荷鋤歸。行行月在野。何處發清響。松風自陶  
寫。松下正我廬。茆茨亦聊且。浩歌晚乾坤。誰是同

心者。

酷似  
孟柳

升天行



衣我青雲衣。裳我白霓裳。高揖赤松子。遠辭白石  
郎。帝曰。驅虎豹。九關高且張。五城何歷歷。十二樓  
輝煌。雲車與風馬。一一遊周章。天孫顧我笑。貽我  
以七襄。天公援北斗。酌我以桂漿。再拜謝明賜。返  
車至扶桑。長繩繫白日。安用惜景光。

綽有仙氣

### 滕王閣

西山南浦兩蒼茫。吟斷枯腸紙半張。好景前人爭  
說盡。只今買酒吊三王。

奪盡窠四

### 湖上同家太寧弟作

憑眺金湖上。湖光夕照餘。西風何處笛。北鴈幾行

書。影瘦秋來柳。香消雨後藥。十年搖落意。滿地愧

樵漁。

洗盡鉛粉

### 朱煥

字守樸。蘇州吳縣人。乾隆

午辛人榜。有紀遊各集

跋練忠貞公

名子寧。峽江人。詩卷後

中丞愛君不愛身。頸血欲濺王旒宸。中丞愛國不  
愛族。談笑全家延首戮。我聞當年廷執李。景隆精  
忠皦皦貫當中。吁嗟死諫諫不納。倒持筦鑰白門  
空。又聞轟轟鉄騎長驅入。貞心誓向刀尖立。覆巢  
破卵二百年。太虛浩浩孤魂泣。殺身身不死。赤族



族不滅。峽江一線手澤。新氣凜凜。筆如鐵。君不見鳳凰山巔。俎豆崇。至今義士欽英。風又不見。淮海東頭。孫枝發。蛇盤笥上無時竭。

忠義之氣讀此如生有益名教

### 登瓜步七寶林

雲浪拍瓜洲。蒼茫野望收。春風吹客醉。斜日倚江樓。鐵甕千村遠。金山一點浮。餘霞天外起。殘笛落漁舟。

### 褚邦慶

字人榮。江南陽湖諸生。有旅况。閨怨集。唐各四百首。又著有北遊紀程草。

### 沂州道中

一望平沙濶。孤行意悄然。寒風欺白日。遠岫化蒼烟。路迴車聲杳。城遙樹色連。桃花何處澗。尋訪悵無緣。  
三四如繪

### 楊州早發

一宿樓船酒易醒。五更鐘漏不堪聽。行窩咫尺成千里。生計飄零剩一經。別路慣隨南北馬。去程無限短長亭。鳴鑼催喚黃頭起。桅上殘燈伴曉星。

### 夢別

夢裡還家原是假。不如無夢得安眠。生憎一晌還



家夢恍惚相逢別淚漣清

顧昌

字文饒蘄州人舉人著栗蔭軒草

鸚鵡有隨主人而音變者感而賦之

朝從主人學南音。雕籠歷歷歌爾汝。暮從主人號北客。逐好趨時換言語。翠襟紅味本珍禽。隴外啼來更好音。天然有籟何須改。老大隨人不自禁。

可為桀犬吠堯者戒

張禮源

湖北廣濟縣生員

登黃州江心閣

飛閣臨江渚。凭欄縱目空。人家秋雨際。山色暮雲中。今古濤聲合。乾坤水氣通。到來心境靜。物外問

仙翁。淨是唐音

赤壁感懷

霜凝石冷遊人少。水落亭孤客思悲。二賦堂前新碣滿。不知誰是峴山碑。近世去思碑如此

胡自協

字寅表號恭芝南豐人脩取即性篤孝見建昌郡誌

照烈陵

雖有高光才而無高光福。百戰定三分。二年帝西



蜀遺恨未吞吳墓前馬逐鹿

奇想入真

五丈原

畢竟三分鼎。六出終無功。非不知天命。祇為盡臣忠。至今五丈原。日日悲秋風。

寫出孔明血性

岳陽樓

岳陽樓外洞庭秋。岳陽樓上旅人愁。當代才人無覓。霧至今我輩復登樓。

潭淪激兀

洞庭湖望君山

天放洪濤滿。洞庭只餘一點。君山青。區區砥柱能終古。小小支持撐渺溟。秋老難尋鴻雁迹。夜深好

看斗牛星。明朝掛席三湘去。十二巫峰片刻經。

骨蒼氣老

寄梁懷葛

自有梁夫子。經綸海內欽。孤懷傷地迥。拭目看天心。脫帽岐王宅。指揮雍子琴。可憐天下士。終老北山陰。

張睢陽廟

江淮保障是睢陽。死守孤城獨自傷。飲血登陴甘許國。表瘡出陣痛勤王。頓教雀鼠披忠膽。還使妻奴剖熱腸。遺恨尚留千百歲。慎無吹笛向祠堂。



可泣鬼神

巫山

朝望巫山不見雲。暮望巫山不見雨。巫山雲雨空  
斷腸。榜人遊子交相語。但見揀天十二峰。翠微想  
象巫神女。楚王絃管赴東流。只有猿聲雜砧杵。宋  
玉能傳絕妙詞。長令詞客哀江渚。一派陰崖若鬼  
神。生成地竅藏鼉鼠。一山一山復一山。帆隨湘轉  
到浦淑。別開生面海天空。舉盃欲酌神功禹。

逸流

琵琶亭

三日五日守湓浦。一日一上琵琶亭。潯陽江浪風  
翻白。白頭浪湧廬山青。江白山青雙眼寒。欲抱琵  
琶江上彈。東船西舫知音少。江州司馬再生難。

含皇  
灑然

夔州

杜甫曾居此。我亦重羈縲。登高凭一眺。白雲與天  
齊。故國六千里。思親無已時。予奉家君命追述可  
西川淹留一載  
憐南北斗。各分天。一涯野水日滔滔。應到江之西。

至性悠  
然可掬

廬山



白浪浮天去。洪濤動地來。一山飛九派。五老奠三才。已借匡廬顯。何須靈運開。昔人俱已矣。使我重徘徊。

軍峰山

天開軍嶽出。蒼翠舊岩堯。日月飛全嶂。雲雷下半腰。南豐鍾氣久。東海望光遙。萬古龍沙會。風霜剝不消。

三四奇崛

風滿樓西窗秋夜

枯坐如禪寂。讀書結遠愁。青燈一點淚。白髮數莖秋。風動蓼莪影。霜飛狐兔邱。倚闌欲問夜。迢遞五

更頭

湯亦廬云。卓立天骨。根本至性。神劍埋土。豈其磨滅。虎氣騰上。宜其經久而自出也。傳云。侯按胡酒村家。傳登廣昌魏少宰所作之傳云。先生生母李氏沒。廬墓三年。廬父墓歸。薄暮聞三年晚。年父沒。又廬墓三年。廬父墓歸。薄暮聞有人曰。孝子至矣。回首不見。夫親死廬墓。史不尤為史所特聞。御史張鷟。眉先生曾贈以聯云。二。十四。孝。後。母。百。萬。載。載。先。生。是。先。生。之。傳。原。不。必。借。詩。而。詩。之。可。傳。也。又。加。此。汪世洋。字道源。號淡齋。宜黃人。德鵬父。居父母墓。看有真行草法帖。竹窗詩鈔。灰齋文存。

立春感泣先君子

有春來天地無春入墓門。東風桃李亂涕泗。幾生



存太息語桃李花開莫更繁荒荒十畝地草滿棘  
人村至性結成

### 重遊舊齋題壁

枯松高出壞牆邊溪水一灣繞舍前對客聊供花  
下坐安貧只合竹間眠從來任士多豪士未有詩  
顛不酒顛拋却兔園閔冊子隨宜隨分覺悠然

鵬兒自筠州郎署歸太守以書索字有答

挺門急遞報獲魚劈紙花前問訊餘顏帖未工難  
乞米鄭牛蠶觸不成書一臺敢擬雕雲篆四壁爭  
如乏斗儲兒輩感公汲且篤茅茨放筆轉躊躇

### 國朝詩觀卷四

瑞州新昌王錫侯韓伯編次 男霖按字

黃師圖

字辭軒號河村金谿人乾隆丁卯舉人  
欽賜國子監學正著有毋質堂詩草

### 捕虎行

應真山下半茅屋中有碩人寄邁軸屋前禾黍長  
油油屋後岩花多簌簌習靜忽聞包咻聲於菟從  
風逐樵牧負嶠作勢莫敢撓肆食在家犬羊肉村  
舅出門不見歸老姑小婦沿途哭穿籬入舍任縱  
橫只留白骨填山麓衆怒商排尉與羅多驅健牛  
相角逐鳴鑼擊鼓振高岡推落深坑計窮促搏得



一。虎。大。如。獅。拆。骨。留。皮。作。裯。褥。後。今。惡。蟲。不。敢。驕。  
曠。野。塵。銷。山。樹。綠。鷓。鴒。嶺。上。黃。鷓。來。白。白。朱。朱。真。  
繡。谷。猛獸噬人，終為人所制，橫噬者可以為戒。

華溪行 有序

甲寅歲，耿逆出長興，王師進勦，伯母傅氏臨川，各儒占衡女，同伯漢章挈家以避，至華溪，水漲，母老子幼，難即過，追兵將及，因謂夫援姑及幼子走，伯母同女悅慧躍水死。

聖主十三祀，八閩生蛇豕，殺人守長興，流血紅江水，伯母名家姝，大義通經史，隨姑同避兵，提攜子無女，行行至華溪，溪漲乏渡，艤橋小步，予合家幾欲死，呼夫負母奔，妙計却虎兇，老姑方逾橋，追

騎呼婦止，見有女如花，滿心歡雙美，上馬促紅裙，慰言溫且旨，母乘機問答，少頃即可矣，衆兵曷有知，齊應曰唯唯，相度姑與兒已入深山裡，忽然厲聲，高身在水中，泣女見娘躍溪，隨流無尺咫，紅旗共駭愕，急流何所底，兩兩逐逝波，香骨埋清泚，當日艷冶娘，就禽孰免恥，纒逾數十年，墓上長荆杞，至今華家陂，父老採蘭並，水聲猶嗚咽，板橋尚未毀，巍巍節孝祠，木主已雙起，貞烈萬古揚，俎豆從此始。

奇烈傳 以至文

華蓋山早行



店小無聊甚。涼天趁早行。霜侵林鳥宿。月上曉雞鳴。林葉披雲重。巖花拂袖輕。清晨迷古路。愁絕遇

山精。

切早  
行定

### 五層樓懷古

層樓幾與碧天齊。遠矚羅浮五嶺低。日下亭前跳海馬。天邊午後報潮鷄。花飛古岬紅侵寺。樹長深林綠滿堤。借問朝臺無舊識。南園秋草半萋萋。

沉雄壯潤  
江山助勝

### 金山懷古

鐵甕金壇自昔雄。天然巨壑鎮江東。飛潮湧出三

山霧。疊嶂攔回北固風。一片月明沙際白。四圍花  
映石岩紅。夫人戰鼓今何在。詞客悠悠古寺中。

三四不減氣  
蒸雲焚二聯

### 送貢使南鶴皋冢宰歸朝鮮名秦齊

扶餘四牡出天涯。鴨綠江深驛道賒。來日館餐開  
臘酒。歸時旌節帶桃花。瀟疎意氣今元亮。肅穆衣  
冠古漢家。此去賢王嘉奏最。征鞍一路話桑麻。

### 劉蕡墓

貶柳州司戶  
卒塋城西

羅池清夜涼風起。小窻暗泣讀唐史。詞賦開科三  
百年。李杜飄零俱野死。柳州城外見孤墳。黃鶴白



鳥噪紛紛只今司戶殘碑斷怪爾錢心作好文

科第固多賺老英雄然李杜劉三公不因科第減色

### 康山槐樹

桃葉青青桂葉黃每逢時到即飄香却憐無數將  
軍骨不及槐陰植道旁

是物是人

### 藏春塢

鎮江府南唐林仁肇故宅

萬歲樓前暮登高望月華

名山

春雲飛不盡深處是

誰家

秀穎

### 彭紹茲

字顯萬號慕岐臨川人乾隆已未進士任廣東永安令

### 石公塘候上憲

孤艇離古派地名停棹石公塘竹擺千波綠茅鋪兩

岸黃燈殘山吐月漏靜鼓敲霜局外閒觀者應憐

我獨忙

五六唐音

### 惠陽東陂亭

子立方亭萬石中嵯峨江畔勢凌空一簾踈影三更月半榻微涼萬戶風何事臨臬邀客賦可堪喜  
雨記天功循州別駕多豪俊姓字留香孰與公

三四曠逸

### 辛未孟夏黃塘勘水



為踏黃塘水。穿雲過石地。青衣連樹杪。紅帽掛花梢。鳥語懸崖竹。犬眠蓋屋茅。斜陽投古廟。夜飲買山肴。  
山村圖畫

送春

輅反青旂惜別忽。霏霏帶雨洗塵蒙。千紅裁就風吹剪。萬綠陶成冶斂功。彷彿驪歌鶯唱裡。依稀騶道燕飛中。玉觴重洗今宵拚。隔曉晴光過苑叢。

千紅句新雅

黃宏度 字汪若 崇仁人

鏡中山

皎鏡高懸白日光。軒前山色此中藏。飛泉怪石憑空立。翠竹青松絕地長。鳥語枝頭惟見影。花生樹杪不聞香。凝眸細玩蕭疎態。翻恨難移到北堂。

中二聯工妙

陳自焜 字大川 臨川人 與弟世輝同年歲薦

中秋浦城同幕友遊仙樓

晞微曙色起晴烟。聯步山城謁羽仙。居士儼然留鶴跡。高人何處息鳶肩。石橋瑤州通幽徑。丹沼琪花入洞天。風送清香盈兩袖。此身疑近廣寒邊。

秋日



白露明朝過寥天。淨曉烟。峯花團石翠。岸草入林。  
妍。深谷龍先蟄。平原鹿自眠。山居非寂寞。勿自比  
寒蟬。幽而秀

陳世輝字滙川臨川人歲薦

寓掬水園

此間野色靜年閒。好避塵囂遠市闌。楊柳一堤江  
外。路烟雲二月。雨中山。興來覓句花神笑。靜裡啣  
觴鳥語閑。更有心源真樂境。鐘聲遠寺即離間。

三四風雅自然

立夏後一日與友夜飲

南榮潛度凱風新。此際清和更可人。蛙鼓偏驚閨  
裡夢。花梢猶駐昔時春。壺中夜月今應永。醉裡揮  
毫別有神。有榻肯為高士下。雞聲遮莫唱東隣。

雅切

春閨

限一花二酒三美人四曲牌名五鳥六官七山八藥

牡丹光發畫欄前。強飲紅螺耐獨眠。遙看紫雲團  
永日。閑拋白苧度芳年。春江雁去空傳帛。草舍人  
虛莫整鈿。從古娥眉多薄命。縱彈輕粉為誰憐。

此體多俗詩却大雅

羅元會

字叶才崇仁諸生著有一粒園詩草



擬古

晶晶日下水。閃閃爐中鉄。紅日水將融。紅爐鉄不  
滅。冰清不可鏤。鉄頑堪為鉞。靜叅消息理。不如守  
其拙。音節自古

秋夜詞

風度秋林蟬欲語。一葉梧桐洗殘暑。雲淨長天玉  
露零。松毛毯毯濕如雨。蒲輪明月夜生虛。清光散  
入道人居。我有長生三字訣。不如渾渾守其愚。

賦得石磴瀉紅泉

好岫多生石。竒流別有泉。鯁鬚紅線溜。蠓眼赤珠

圓。長洒丹砂液。分流玉版田。淪漣朝日迫。瀟灑晚  
霞鮮。茜草浮春澗。桃花逐曉淵。可能供汲綆。應勝

飲虹川。

詮紅泉字  
分外鮮艷

有感

倦坐雲龕下。闕眠竹塢中。愁驚堤柳月。病怯海鵬  
風。世事凉于水。人情曲似弓。永懷長不寐。咄咄欲  
書空。

一粒園

牙籤獨檢對瑤篇。玉几焚香意洒然。三徑閨花紅  
映日。一卷苔石碧含烟。愁多自覺詩逾進。病減由



國朝詩集 卷四  
來藥有權飲罷露芽明月上胡床高枕抱琴眠

五六  
真境

繙經臺

閑花寂寂映叢林。臺上晴雲幻古今。竹閣含烟朝  
冉冉。松龕帶雨晝陰陰。蓮殘白社人何在。夢杳春  
池草自深。蠟屐逍遙時極目。荒亭斷碣咽蟬音。

五六切  
謝客事

金柅園

瑞靄晴天布晚霞。金柅園裡好韶華。曉雲載雨青  
歸柳。玉露含風白入茶。直以憂愁添病豎。漫將文

字作生涯。會心不減華林景。翠石環池蝶弄花。

三四  
琢鍊

上橋寺訪僧文仲

風定南湖一鑑清。樓頭鳥送隔林聲。雨餘石砌花  
猶潤。烟鎖松龕暑自輕。逸興不隨多病減。詩思欲  
倩白雲生。石頭三笑還相別。山自蒼蒼水自平。

五六  
真趣

哭饒念亭先生

一朝星隕五峯低。烟雨蒼茫繫馬嘶。幾過西州思  
太傅。空瞻北斗憶昌黎。笛傳鄰院魂應斷。月照荒



國朝詩觀 卷四  
城影更悽。十載金蘭渾是幻。碧窓愁對草萋萋。

偶興

二月園林翠雨寒。柳眉花面對愁看。漫過猿洞携遊屐。且就松陰學染翰。風入石泉雲氣冷。日升竹塢露華乾。客來玉茗當清酒。閑煞山鷄舞碧杆。

五六  
似孟

辛巳過鹽埠嶺舊居有作

曾開荒徑虎頭東。花滿瑤階月滿櫳。修竹清含蘭沼影。乳烏斜掠玉堂風。交經久後知情淡。病到奇時覺術窮。惆悵滿懷題不盡。數聲清笛夜樓中。

李蘊暉

字吉士臨  
川太學生

讀象山集

斯文一脉紹心傳。誰道先生渾似禪。到眼經書皆註脚。所言義利悉真詮。春風曉拂荆門雨。秋日晴開鹿洞烟。錯認良知為頓悟。考亭窓下蠹殘篇。

可括象  
山傳

憶邑侯李燮庵先生

婁縣人

十年萬戶樂春臺。撫字心勞不恃才。臨汝于今思召伯。精神時應過江來。

化小化無事若何。農安畝畝士絃歌。騎鯨十載朝



天去海。月江風。想玉珂。

循吏令人  
追思如此

### 壽家穆堂夫子

明良際會太和胚。仙樹蟠根間世材。浩氣無垠歸善養。斯文未墜藉堅培。臯夔事業千秋仰。洙泗淵源一脉開。壽世壽民更老重。日邊還有紫綸來。

穆堂先生一時山  
斗此詩能見其大

### 苦雨行

闌風伏雨黯荒村。處處啼鶻陰雨屯。陽侯肆虐雷神怒。十戶九室空閉門。連歲收穫傳言好。誰知今日實斷魂。大麥離披小麥爛。新秧插田泛朝昏。老

稚號啼涕泗流。深山大澤龍蛇奔。市上升米數十錢。豪門穀價日高騫。泥濘路滑謀朝食。典盡破衣温床眠。忽來里長叫中堂。春粮比較過秋粮。愁眉慘語再三訴。里長曉曉怒更張。我家婦子亦嗷嗷。鳩形鵠面病在床。有稅不輸誰代納。致我肌膚苦罹殃。吁嗟苦雨苦莫當。且急租賦典田房。

如此苦况吾  
見亦屢矣

傅天錦

字七襄。別號牧莊。南城人。著有篋中詩刪。

### 示金純

風洗長林雨濯溪。青鞵布襪步幽蹊。但逢怪石拋



長揖若遇名。花費品題錦段漫。將華袞補丹砂好。鍊碧霄梯。是非不到愚公谷。日影遥遥未肯西。

雅情  
深致

### 百花洲晚眺

湖西烟外山。湖東花上月。中有島嶼微小橋。僧影

沒。寫景如  
寫真

### 登永壽閣

晴日疑圖畫。瞑朝真輞川。白沙風捲雪。青嶂雨消烟。室小剖容膝。懷高不碍天。鳶魚供指點。千古印心傳。時彭惟貞設教于此

### 行路難

泉流不歸山。此言殆無理。涓涓注作東海波。蛟龍吸起甘霖洒。大雨滂沱小浙瀝。懸崖猶得媚白石。紅桃花主人愛汝容光華。陽春三月盡離枝。委地如亂麻。桃花自不嗟。遷播榮枯代謝非。偏頗只問桃根深不深。明朝精英還故我。水落仍有上山時。桃花年年歸故枝。與君言笑空深深。海枯石爛不

知心。逐臣棄妻  
聞必下淚

江心有大漚。團如球光如月。隨波上下。傲岸突兀。旁擁小漚。數百十迴環。大漚弄輕滑。謂君可長依。



故來泊君。暎光輝。中空瞬眼。盡令我無所歸。早知  
大漚一時休。悔不各自東西流。  
比冰山更透

崔長庚 字金純南城人著有西垣詩草

觀姑山瀑憶匡廬

我聞匡廬飛瀑直下三千尺。未覩此水心已惜。銀  
河倒挂天際垂。洒落萬古如雪積。日色迴照光陸  
離。誰遣晴雷走蒼碧。秀甲天下高崢嶸。我姑安得  
與之衡。猶喜龍門雙飛練。皎潔坐使心魂清。光澹  
蕩。氣幽靄。令人憲戀生遠情。轉念匡瀑勢逾大。重  
嘆窈窕疑蓬瀛。吁嗟乎吾輩衡泌。栖遲未能繼此。

目得無坐井。小天啣碌碌。

奇峭突兀

題王牧斯指畫山水

曾聞十日畫一水。五日畫一山。看君任指不事此。  
蒼岩噴瀑須臾間。巖勢合沓盤老木。小橋流水鳴  
潺潺。中有幽人是誰子。拄杖直欲窮雲關。西峰插  
空險難測。懸崖削劣昏如墨。樹杪人家露烟井。恍  
聽犬鳴幽叢側。曲磴迴谿山色古。超然欲往復不  
得。噫嘻乎王君安得縑素索。寫百幅玩不窮。使我  
曠覽神遊長登陟。

神似工部

悲落葉



江上楓丹飄不輟。灞橋楊柳秋風切。隴頭行人歸未歸。可惜寸心久成鐵。幾見重陰回。疎枝枯桐敗。梗。蹲。寒。鳴。徑。裡。堆。黃。聞。窻。窄。當。前。對。景。難。為。辭。辭。欲。悲。玉。露。凋。殘。倍。蕭。索。那。堪。回。憶。青。春。時。

悲涼頹挫  
令人心折

### 移居

為愛村林僻。閉關別有春。折梅供几榻。種竹惜班筠。門外絕車馬。花間編錦茵。坐看雲出岫。天放我閑人。

翹望千峯峻。菁葱列翠屏。朝嵐添野靄。暮雨失郊坰。鵲噪春林密。鐘敲曉夢惺。高僧喜隣近。散步日談經。

### 秋思

律感清商夢不成。蕭蕭落木夜雲輕。鈿箏欲送交河去。瑤瑟空存湘水橫。燈裏破窻危一影。月臨寒砌浸三更。最憐此際腸堪斷。羌管悲鳴萬里城。不靜商飈上下狂。北書猶自滯瀟湘。海天雁斷波心月。風日人悲鏡裡霜。萬古芳華過瞬眼。百年佳話入迴腸。更聽階砌螿蟄急。紅蠟清樽伴夜長。到處山光逼水光。水山如畫倣倪黃。白開波面漪



國朝詩集 卷四  
漪。迥。丹。染。峰。頭。葉。葉。涼。猿。欲。添。孤。客。恨。鷺。鷗。閑。  
似。野。夫。狂。蕭。然。萬。里。空。江。葦。河。廣。伊。人。宛。一。方。

慷慨悲涼  
百感倍生

咏梅三叠和英司馬夢堂原韵

寒山骨立想丰神。月落疎林靜寫真。望去那知空  
是色。照來渾覺美。如人三分雪意還籠閣。一抹香  
魂不受塵。却訝江南花信晚。瓊枝總見故園春。  
一種幽姿別有神。莫將俗態索其真。還如磊落雲  
中士。可是蕭疎世外人。鉄骨孤撐清入畫。冰心獨  
挹淨無塵。最思結契林和靖。相伴年年樂占春。

不隨紅紫閉精神。脫却繁華早露真。古幹冒烟藏  
皓鶴。淡容含笑立騷人。尋芳幾怯三更月。卧雪都  
消一點塵。恍入羅浮山下路。風流味盡嶺頭春。

妙句多不  
讓古人

華子岡

路轉峰迴曲磴巖。仙名千載尚留岡。丹成鶴跡歸  
何處。灶冷苔痕失舊方。風磴靜看泉瀉赤。雲梯斜  
倚石排蒼。謝公去後仙踪杳。岩際青青草徑芳。

流利  
風雅

崔見龍

字倚滄長庚子  
著有海峯詩草



偶成

客館誰分話。情人怨夜闌。猿教千嶂夕。雁陣一天寒。燈火投吟榻。籬英佐夕餐。浮生無住着。寶劍仗人難。三四老境

雲礫瀑

乍登馴虎岩。旋尋雲礫瀑。放眼千仞岡。鏗錡震崖谷。驟如黃河之水。天上來奔流。湍急勢難掬。怒如雷霆震。烈鞭阿香車。亂輾驅。輾大珠小珠寒。日芒洗面盆。頭傾萬斛。懷震遺有洗面石盆嗚呼。安得眼前突兀結茆屋。洗藥泉邊新耳目。年年灌溉澆心腹。

秋吟

覽勝憑高閣。瀾瀾水接天。浦雲收夕照。村笛破寒烟。一徑穿溪竹。小泉落稻田。此中真意在。閑喜對鷗眠。幽曠

秋江偶興

橋南橋北水含烟。烟水空濛擁樹顛。竹裡僧歸紅葉寺。渡頭人喚暮江舡。淒清隔岸寒砧搗。慘淡當山敗柳眠。放眼欲迷林下去。清輝露濯冷娟娟。

晚景如畫

龔自誠

字質章新昌廩生著有淡軒詩草



東軒懷古

結念在北闕。結境在東堂。東堂何所事。藝蘭植叢  
篁。清風為之發。落花滿石床。時有山頭鳥。飛來鳴  
其旁。半樓明月朗。半榻白雲長。古人今不見。徒餘  
蘭蕙香。白雲空自好。明月為誰光。北斗巋然在。翹  
首跋蒼蒼。

蒼松挿天際。翠竹薄寒陰。颯颯秋風起。松竹自成  
吟。月來照其牖。悠然空翠深。中有抱琴客。人誰知  
此心。偶然彈一曲。眷此松竹林。流水錦江上。高山  
碧落岑。古調自終古。百世待知音。

古味盎然  
溢于毫端

墨池歌

停停一鑑開。淵然近菊圃。淡蕩微風來。波影動花  
塢。陶君發竒趣。潑墨臨其澗。迄今浪花飄。猶帶墨  
花舞。一片空明意。照人自今古。寒泉洗我心。寒影  
沁我腑。懷清履潔情。遺芳猶可數。欲往從之遊。伊  
人隔秋浦。

得陶  
精神

古意

君為湖上萍。妾作湖中水。水性有常流。萍踪多遷  
徙。



昔恨夢君多。今愁夢獨少。但使長夢中。別離亦不曉。

妾意如柳絲。即情如柳烟。以絲欲繫烟。安得兩纏綿。

子夜讀曲不是遇也

寄王二岱瞻

踈踈澧岸梅。皎皎濱洲月。將月照寒梅。清香兩欲絕。

絕

淨土寺

閑坐空林中。林花掃更落。山月入林來。獨照松間鶴。

鶴

靜適

涼風至

欲眠竟不眠。天邊秋尚嫩。一葉風前來。深林踈一

寸

奇關

秋風不厭涼。秋思摠厭多。秋風吹我袂。秋思可奈

何

淡而未

涼意入山中。草木俱清瘦。涼風猶未知。片片吹欲

透

新奇

故里橋懷古

白石橋西五柳斜。雨洒塵空風捲沙。依依故里迹

未遐。風散雨聲兩參差。流泉寒影日悠悠。却憶當



年舊風流夢。回酒醒何處遊。南山悠然東籬幽。山色尚留前代芳。籬花猶帶舊時香。清風介節人何在。穆然徒見溪水長。

悠然與洽

### 秋夜感懷

最是囊中賦。年年賣莫售。無詩空對酒。有藥不醫愁。冷月明孤雁。淒風入暮樓。那堪今夜坐。依舊客

悲秋

悲涼沉摯

### 旅次感懷

寒燈挑不滅。客却欲魂消。囊在金俱盡。琴彈尾半焦。愁多詩有債。窮極鬼無聊。壘硯知何限。開樽試

一澆

### 秋日遊洞山寺

亂石疑無路。綠崖一線分。高峰多碍日。老樹欲藏雲。寺古人初到。僧閑話竟曛。晚歸明月下。花影踏

繽紛

三四古健

### 秋日遊鴻寶觀

四山圍野色。半院鎖秋光。地拔三峯起。泉流一帶香。花深雲擁戶。人靜鶴依房。無限烟林好。催歸恨

夕陽

### 江干月夜



秋月空明夜澄江印淺深寒光高浴樹波影倒吞  
禽天上乘槎興樓頭達旦吟風流渾未遠懷古百  
年心。  
三四典池光  
不受月相同

春行

谷鳥翻晴日溪雲度晚風馬行花柳外人在畫圖  
中渡老干江月吹殘一鬢蓬杜鵑啼處處血染映  
山紅。  
老練

偕諸友遊山

共到林深處清光列眼前暮花寒影瘦秋樹晚風  
牽斷雁摩新月啼猿破碧烟悠然秋興遠一水隔

雲邊

三四似  
孟襄陽

歙日訪熊踪洲

曲曲通幽徑名園別一天秋花燃暮雨孤島卧寒  
烟是景皆堪畫無言不湧泉論文頻剪燭星斗落  
杯前

和家益占見訪元韵

十載人初聚一樽話欲香風騷鞭晉魏談笑到羲  
皇嗜古情俱癖如今興更狂錦江春色好烟雨泛  
遊航

秋夜留別



無賴秋光半欲殘。滿天霜色正愁看。離情一片牽  
難斷。旅緒千條解不寬。何處砧聲敲夜月。幾行歸  
雁帶秋寒。懸知此後相思處。白白蘆花滿釣灘。

登繩金塔

石塔斜登縱目新。萬家烟火疊魚鱗。隨開眼底三  
千界。一洗胸間數斛塵。不盡長江天外瀉。無邊秋  
色望中勻。畫圖風景憑誰寫。落照蒼蒼欲醉人。

三四  
開拓

舟中感懷

江南浪濶午風疎。一葉扁舟遠送予。世事同波飄

不定。旅懷如髮亂難梳。天邊有月憑誰好。水底無  
魚莫問書。漫把深情輕欲訴。且沽樽酒買新蔬。

三四  
新整

楓林秋葉

楓林翠葉帶雲流。誰抹新紅曉色稠。舞蝶認來三  
月錦。亂鴉點破一天秋。輕飄疎雨侵詩榻。斜捲殘  
陽入畫樓。若逐水流烟島外。居人疑是武陵遊。

爽氣  
撲人

喬木古蔭

虬枝蜿蜒亘墻頭。密籠千家蔭漸稠。高聳雲梢遮



日午濃鋪烟葉戰風秋。座當清影涼生榻。簾捲踈  
陰翠滿樓。老樹慣經霜雪飽。亭亭古幹碧光浮。

蘆洲夜月

懸空寶鑑未曾收。影入蘆洲翠欲流。芳草渡頭勾  
醉客。蓼花香裡起眠鷗。銀鋪淺渚三千界。雪點寒  
江一片秋。何處笛來飄漏永。聲聲不斷到漁舟。

陀潭耕雨

絲絲密雨散春田。競向陀潭事牯眠。孤笠擎開花  
底霧。一犁耕破水中天。提壺叫入濃陰裡。扣角歌  
歸濕柳邊。饑婦還呼泥滑滑。滿筐斜貯隴頭烟。

此体不常選詩多俊  
逸之句令人神爽

送學博湯亦廬歸里

處處征衣急暮砧。片帆高掛薄寒侵。他年娛老惟  
孤鶴。此日歸裝只素琴。沙洋無邊秋樹冷。長江不  
盡白雲深。情絲半縷吹難斷。費却西風一片心。

祖母冷孺人節孝

無限淒涼杜宇聲。一生搃屬困愁城。終悲蝶夢三  
更冷。又值鴻碁四野驚。時值順治丙午  
丁亥荒歉事到窮途天  
莫問。心如井水浪難生。從今怕讀陳情表。烏鳥看  
來淚欲盈。

苦節  
堪傳



鳳儀書院

誦座宏開碧落端。登堂鬱鬱蔚奇觀。啣荷嶺千  
秋月。簾捲錦江萬里瀾。無限鳶魚歸眼界。一庭桃  
李飽風餐。春來陡覺留人處。花影松陰十二欄。

勝地傳  
以佳句

熊化邦 字信及新昌諸生  
著有虛舫詩草

擬古

倚蘭生空谷。隨分伍衆草。春來淑氣融。一枝開正  
早。採者復為誰。芬芳殊潦倒。此心不可枯。幽香蘊  
懷抱。維彼桃李姿。居然逞少好。

千歲不為多。一夕寧為少。彭殤一理推。三命徒擾  
擾。人生隘百年。事業良難了。古來聖賢心。憂勤相

典紹 達觀具  
有骨力

新柳

池館青青嫩柳新。纖腰無力不勝春。綠淺低垂橋欲畫。黃疎斜  
開眼。莫管離愁便帶顰。綠淺低垂橋欲畫。黃疎斜  
拂線。初勻小簾半捲黃昏候。細雨輕烟更可人。

雅切  
新字

晚泊

薄暮停歸棹。孤舟寄野灘。霞花攢樹老。星火炙江



寒古渡傳秋杵。荒村起夜餐。蘆汀晚更白。落雁一聲殘。  
老氣如工部

春興

雨深亭樹壓簷低。料峭孤衾擁座迷。花怯曉寒紅欲瘦。鳥當晴午口頻啼。江城舊夢驚春去。池館新詩入夜題。見說杜陵饒逸興。典衣謀醉曲江西。

二聯新警

耕者

綠樹村中白板扉。嵐烟障岫夕陽微。西疇薄暮行人少。犁碎殘蕪帶月歸。  
村庄圖畫

春日同湯靜臺蔡長之龍于兄弟北郊遊宴

即席漫成

年閏春無力。花開月正三。岸烟全抹柳。山火亂燒龕。臉醉烘微日。歌高落夜潭。明朝遊汗漫。挈榼古鹽南。

立秋後五日與胡景方湯靜台龔翹雲留飲

蔡內弟龍于園亭刻燭賦詩

爽氣初生籟。山窓日夕佳。天空秋有色。人醉興無涯。已動三湘雁。猶殘兩部蛙。高才都善賦。落筆海

山排。三四清新



送湯靜臺歸南豐

秋水流無極。離心與共長。美人傷遠別。公子送歸裝。  
葉落空山寂。蛩吟野岸涼。寥寥揮手地。有恨壓斜陽。

起聯自然

覽輝堂歌送學博湯亦廬師解組歸里

鳳臺屹立膠宮右。新昌學宮 枕鳳凰台碧梧翠竹森森覆。沐日浴月不計年。包孕精華特深厚。帝簡南豐夫子來。依臺築堂妙新構。鳳觀負眼額。覽輝鳳兮鳳兮。何德威翼厥九子。皆可儀羽。豐教向阿閣飛。堂開經筵古。綆汲六義揚。屹富篇什。盡是雖雖噦噦。

聲南豐夫子功言立。願我樗材不中槩。高張賞識爨下音。數引升堂授清秘。辨香一縷千古心。如此師資世教託。抽簪何遽謝振鐸。豈為口實憲鱸尊。自別胸襟置印壑。行旌獵獵拂秋烟。踈柳斜陽咽暮蟬。夫子此行神為馬。翔遊千仞輝寧下。蕭蕭桐葉滿高臺。鳳去臺空堂那開。噫吁嘻。我知真氣在戶牖。百讀師詩百回首。

毛閣齋水碓落成短句代柬

少城水碓傍長松。紅蓼灘頭役水舂。管領西山真趣得。可能。有廡賃梁鴻。雅婉



送春歸歌

花名

一春無計留春住。花開花落萬千樹。鶻喉昨夜盡  
 情啼。感慨人生又春暮。人生能得幾春好。花不逢  
 春復何道。窮我半生虛舫中。生涯詩酒坐花老。去  
 年花發客中過。今年看花奈花何。虛舫之人太蹉  
 跎。虛舫之花足摩挲。隨時吐萼濃淡發。淡者粉面  
 濃者醜。笑者怒者歌斜者。高低錯落珊瑚柯。人來  
 花下春重別。花送春歸人則那。君不見黃金買春  
 春不顧。分陰寸陰可虛度。眼中之人花復春。只恐  
 故我依然故。

典會  
淋漓

泊滕王閣感興

章水漫江迥。停帆古岸邊。春歸帝子閣。客病夕陽  
 船。浪靜孤燈落。天空皓月懸。那堪愁耳畔。偏有夜

鳴鵑

羈愁  
可想

德安河口阻風

繫纜春江渺。天風日夜號。沙如飛雪起。浪欲捲雲  
 高。客久魂應斷。愁多夢亦勞。漁人偏得意。小艇亂

波濤。

江行  
常語

泊南康郡望廬山

廬嶽環雄郡。天開不了青。九江翻夕照。五老插空



真泉瀑飛孤月。墩高捫落星。何年隨鹿洞。香瓣証  
心經。

湯亦庐擬  
歸老此山

左蠡曉發感興

彭蠡混天碧。放舟曙色陰。蛮雷坼嶺腹。驟雨碎江  
心。身世已如此。死生惟一任。大姑開霽景。停泊且  
登臨。

已上四首壯采  
潯江山之助

通州夜作

古驛長天入紫冥。行車暫駐伴寒星。秋深蟬咽高  
低樹。人靜砧寒長短亭。破幕風侵燈欲灺。殘更客  
坐酒初醒。愁思重叠難成寐。撼碎鄉心有鐸鈴。

白露節集唐句

露從今夜白。峯出半天雲。意迫侵燈冷。秋聲不可

聞。自然  
無痕

春雨

雨暗春光望眼迷。滿城新火出烟低。紅樓寂寂千  
花落。綠島沉沉一鳥啼。

送春集唐

杜鵑啼處血沾衣。青帝乘龍去若飛。最是五更留  
不住。江南江北送君歸。

如自口出  
方不愧集

黃作求

字肥京臨川人



春暇

獨坐交千載。詩書足我生。時復傾醇酒。迥然見天  
真。風從南山來。梅雨渡江津。軒壁生爽氣。好鳥時  
一鳴。豈必無應接。固自不勞身。但願長守此。允稱

太古民

悠然自得

題吳雲亭書室

斗室春常駐。幽鳥鳴不已。烟向樹中生。雲從澗內

起

瀟灑出塵

鹽埠故居

數間破茅屋。乾坤不盡頭。綠樹相陰翳。白雲與之

遊。排闥睨城闕。山斷見江流。薄暮西風來。萬物感  
金。秋微涼生襟袖。洒然豁閒愁。大夫誠何事。低首  
與心謀。雖無一朝惠。而有終身憂。此地先百年。有  
人住。高樓安知數十載。不復為荒邱。長住有真宇。  
火宅漫綢繆。於歌踞胡床。壁上浴蝸牛。  
志士固應如此

忠孝堂廢址有感

忠孝原不二。首祀王與顏。斯地舊有堂。興廢豈足  
關。因念士民心。不在倫常間。搔首念兩公。悠悠望

江山

崇異教而廢典。祀往往如此。

王荆公故宅



荆國當年此處住。祠宇空存。烟雨暮。檢點新法尚。堪行。可憐。攻擊無遺路。吁嗟此公百世。憑吊猶有人。令我千秋長恨。呂惠卿。

平先非阿好

### 右軍故宅

有宅有宅臨荒草。白日蒼涼。秋風老。斯人大雅不復作。偶然居停。烏可保。筆法自是學之餘。不朽惟遺殷浩書。

論古有識

### 九日

景物驚心緒。重陽烏雀喧。輕風憐破帽。細雨濕荒園。菊性緣秋潔。詩情藉酒溫。坦然人已醉。淡月向

### 黃昏。

### 秋日偶興寄吳雲亭

寂寞空山裡。雲深小徑荒。西風吹木葉。時菓落方塘。野色渾秋水。砧聲帶夕陽。那堪恒日暮。相對獨

### 蒼茫。

老撲

### 晚眺

秋風吹落日。人語暗湘川。雨霽遙峰出。山昏野火然。孤村連遠寺。古木帶荒烟。不盡江沙白。蘆花掩

### 釣船。

不讓唐賢

### 中秋後夕望月



皓月。渾如。昨天階。露正肥。兩宵同寂寞。一漾有清輝。野濶鴻聲響。窓空竹影稀。愁懷何所放。不忍下

書帷

首二聯  
渾雅

### 尋春

三月輕和積雨收。溫雲閑護釣魚舟。桃源洞口花千樹。一曲清歌碧水流。

黃森

字皇極  
臨川人

### 春望

平原春色無人見。淡淡青山橫一片。最是不堪燕語忙。乍晴乍雨花魂顫。秀媚

### 聽雨

輕寒不成寐。愁人春夜雨。早起立階前。萬象清如洗。

陳侶浩

字斐文  
臨川人

### 題厥襟堂

僻地陰幽迥絕塵。數椽茅屋臥高人。風闌白晝花千樹。夜靜空階月一輪。時有清音聞鳥語。不貪俗契作天民。我來正值清和候。觸目欣欣盡是春。

李孝溱

字僑濟  
臨川人

弔族侄歛夫



樓開白玉促征鞍。珠樹無花繞翠欄。篋裡空餘詩賦在。烟雲不耐曉風寒。  
情深而文

夏日即景 迴文

檐底透雨細飄烟。水漲溪橋遠接天。螢引夜光浮草碧。蝶迎朝露帶花鮮。青青柳葉垂堤暗。淡淡山雲繞徑連。鈴響一聲新奏曲。醒來到處院生憐。

邱聲宏 字鳳鳴南豐人著有梧園詩草

晚秋旅懷

旅館幽居久。偏多異地情。秋深風有力。夜冷露無聲。水抱村中曲。山從霧裡橫。更聞紅葉落。唧唧怯

蟲鳴 三四奇警

金陵懷古

蘆花風葉冷吳洲。惟有秦淮碧水流。玉樹歌殘天地恨。鉄騎飛渡古今愁。鳳凰臺上仙雲散。龍虎山頭王氣休。六代衰餘人不見。年年空繫秣陵舟。

氣凌一切

西岫遙青

軍峯疊疊對禪關。峭石奇岩老石斑。七斗連天橫翠色。三尖拔地聳蒼顏。收來水寺雲中畫。望去江城霧裡山。遠黛獨鍾仙子氣。嵐光遙接到人間。



邱聲揚

字帝良鳳皆弟諸生

悲秋

最是淒淒九月秋。夕陽黯淡倍增愁。村前風雨飄黃葉。檻外波濤起白鷗。今古勞人同看劍。乾坤閱客獨登樓。憑高漫惹無窮恨。露竹蘆花冷釣舟。

秀骨雅韻

秋興

野曠天清白露秋。張衡望遠不勝愁。繡楹鸚鵡啣香。福金屋鴛鴦鎖幔鉤。此日樓臺驛客淚。當年歌管老臣憂。時過張綺羅紉扇猶存否。空憶梨園第

一流

夜坐寄懷鄧東谷譚筠圃

月冷風淒望眼迷。凭高何處覓仙梯。烏啼曠野孤烟外。犬吠行人小閣西。敢謂三冬學已富。獨憐六

月夜聞笛寄厦門大兄于野

露冷秋風急。涼天一夜悲。月明千里外。人夢五更時。此地飛鴻遠。誰家玉笛吹。園林無客到。莫恨寄

書遲。

情文相生

江樓懷閩中鄧東谷



江上風猶急。片帆何處遊。菊花開兩岸。人面隔三秋。細雨重陽節。青燈處士樓。不堪頻極目。鴉噪亂山幽。

述懷

雅人深致

紛紛蛺蝶粉牆過。一卷琴書奈若何。門對青山苔徑滑。泉飛白練暮雲摩。饑寒文字精神減。貧賤交遊意氣多。詩酒我慚名下士。幾年蝸角怯風波。

早春對雲東寄二兄梧園

畫障對江城。鶯聲破夢驚。桃花風裡恨。春樹雨中情。文字緣人定。踈慵本性成。朱絲書未就。閣外曉

雲生

真朴

胡鶴

字翥雲南豐人

登軍峰

陡地岑崎入杳冥。亂峰攢簇不知名。初秋人向山頭立。萬壑雲從足下生。風雨有時爭變化。海天無際失陰晴。我來直欲乘槎去。滴滴寒泉間鳥聲。回看前路碧濛濛。城郭蕭條軟翠中。古木類人皆入畫。長江如帶不生風。天低吳楚寒雲白。秋老滄溟夕照紅。閑倚石欄舒一嘯。驚飛野鶴落晴空。懸崖衰草助颼颼。寥濶鐘聲逼斗牛。日落山高無



畫夜。天。空。寒。早。易。為。秋。石。床。積。霧。晴。猶。濕。鐵。鈇。團。  
風。雨。欲。流。擁。披。只。今。何。處。是。依。稀。蝴。蝶。夢。莊。周。  
扶。桑。隱。隱。見。朝。暉。紅。擁。浮。瀾。照。客。衣。星。落。藤。崖。山。  
鳥。出。風。回。雲。海。浪。花。飛。青。峰。一。點。浮。天。末。大。地。無。  
多。隱。翠。微。到。此。盡。空。千。萬。緒。杯。却。兩。日。竟。忘。歸。

軍峰為西江之秀  
句多奇傑爭勝



